

Siguri

Të shtëna në Rahovec | Shoferi ndalet pas sinjaleve me drita, sulmohet me armë – i merr pistoletën sulmuesit dhe niset i plagosur për ndihmë



Sinjali.com

22 Gusht 2026 22:29



Një ngjarje e rëndë, me të shtëna armësh dhe përleshje fizike, është raportuar në orët e para të 22 gushtit në rajonin e Rahovecit, ku një 47-vjeçar dyshohet se është qëlluar dhe më pas goditur disa herë me kondakun e armës nga një person ende i paidentifikuar.

Rasti ka një dinamikë të pazakontë. Viktima pretendon se, pavarësisht plagosjes, gjatë ballafaqimit ka arritur t’ia marrë armën nga dora sulmuesit, të largohet me veturë dhe ta telefonojë Policinë gjatë rrugës, nga frika se po ndiqej.

Sinjali mëson se viktima është A. Berisha 47 vjeçar..

Gjithçka dyshohet se ka nisur rreth orës 02:20, derisa Berisha po lëvizte në aksin Dobidol–Çifllak.

Sipas deklarimit të tij, një automjet prapa tij kishte nisur t’i jepte sinjale me drita. Berisha është ndalur për të parë se çfarë kërkonte shoferi tjetër.

Në ato momente situata dyshohet se ka eskaluar në të shtëna me armë.

Viktima ka deklaruar se një person ka shtënë tri herë në drejtim të tij. Sipas tij, njëri prej plumbave e ka goditur në pjesën e pasme të kokës, ndërsa dy të shtënat e tjera nuk e kanë kapur.

Por sulmi, sipas deklarimit të 47-vjeçarit, nuk ka përfunduar aty.

I dyshuari dyshohet se është afruar dhe e ka goditur disa herë me kondakun e armës së shkurtër.

Gjatë përleshjes mes tyre, Berisha pretendon se ka arritur t’ia marrë armën nga dora personit që e kishte sulmuar.

I plagosur, ai ka hyrë në veturën e tij dhe është nisur në drejtim të Rahovecit për të kërkuar ndihmë mjekësore.

Gjatë rrugës ka telefonuar Stacionin Policor në Rahovec dhe ka kërkuar që një patrullë t’i dilte përpara, pasi dyshonte se sulmuesi po e ndiqte me veturë nga pas.

Pas alarmit, dy patrulla policore dhe ekipi i emergjencës janë nisur në drejtim të tij.

Viktima është lokalizuar në fshatin Bellacërkë, prej nga është transportuar nën përcjellje policore në Emergjencën e Spitalit të Gjakovës për trajtim mjekësor.

Ndërkohë, në vendin e ngjarjes kanë dalë hetuesit dhe njësia e forenzikës.

Gjatë veprimeve policore është gjetur dhe sekuestruar një pistoletë e tipit MOD. A-80, prodhim spanjoll, pa karikator dhe pa municion.

Sipas informacioneve fillestare, personi që dyshohet se qëndron prapa sulmit ende nuk është identifikuar zyrtarisht. Viktima ka dhënë disa të dhëna mbi personin që dyshon se mund të jetë sulmuesi, të cilat tashmë pritet të verifikohen nga hetuesit.

Për rastin është njoftuar Prokurori i Departamentit të Krimeve të Rënda në Gjakovë, me udhëzim të të cilit është iniciuar procedura për “Mbajtje në pronësi, kontroll ose posedim të paautorizuar të armës” dhe “Lëndim të rëndë trupor”.

Hetimet po vazhdojnë për identifikimin e të dyshuarit dhe zbardhjen e motivit dhe rrethanave të plota të sulmit.

Sinjali – aty ku e vërteta flet para lajmit!

/GazetaSinjali/

i plagosur

Sinjali

te shtena ne rahovec

Të tjera:



SHBA zbulon raketën e re AIM-424 Malice, godet objektiva mbi 460 kilometra larg

Botë



Moti ekstrem godet Evropën, zjarre, përmytje dhe mijëra të evakuuar

Evropë



“I paharruar qoftë kujtimi për Altin Kryeziun” – Sindikata e Policisë me mesazh...

Siguri



Përballje e fortë në Podujevë, Llapi sfidon Gjilanin

Futboll



Sulm me shpatë në një shkollë në Suedi, vritet 17-vjeçarja dhe plagosen tre të tjerë

Evropë



Hyn në parkingun nëntokësor te Katedralja për të vjedhur bateritë e gjeneratorëve – siguri...

Siguri



Dy gjoba e çojnë në burg | 23-vjeçari kapet me dy urdhër-arreste aktive në Obiliq – përfundon në...

Siguri



Georgina Rodriguez raportohet se ka adoptuar tre fëmijët e Cristiano Ronaldos

Bota e Yjeve

Sinjali

Gazeta Sinjali mirëmbahet nga kompania "Sinjali" sh.p.k. Materialet dhe informacionet e Gazetës Sinjali nuk mund të kopjohen, të shtypen, ose të përdoren në çfarëdo forme tjetër, pa leje nga redaksia.



Lajme

Zgjedhjet 2026
Kosovë
Shqipëri
Rajon
Diasporë
Evropë
Botë

Aktualitet

Politikë
Drejtësi
Siguri
Shëndetësi
Arsim
Sociale

Hulumtime

Ekskluzive
Profile
Skandaloze

Ekonomi

Prodhime Vendore
Financa
Biznes

Sport

Botërori 2026
Futboll
Basketboll
Sporte Luftarake
Sporte të tjera

Showbiz

Bota e Yjeve
Modë & Stil
Bukuri dhe kujdes
Të tjera

OP-ED

Analizë
Kolumne
Intervistë

Jetë

Fitness
Ushqime
Travel
Këshilla
Receta
Dieta
Shëndeti

Kulturë

Film
Muzikë
TV & Radio
Libra
Art & Dizajn
Fotografi
Histori

Tech & Auto

Teknologji
Telefona
Internet
Lojëra
Aplikacione

Fun

Qesharake
Kuriozitete
Kuize
Fakte
Të tjera